

鎌山草堂詩合鈔
花王閣賸稿



關西軍實錄
卷之五

花
王
閣
牘
稿

紀
坤
著

中
華
書
局

叢書集成初編

鎌山草堂詩合鈔（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

花王閣贗稿

此據畿輔叢書本
排印初編各叢書
僅有此本

花王閣賸藥

明 獻縣紀 坤著

芙蓉詞效昌谷體

芙蓉脈脈愁空江。秋波對影成一雙。一滴清淚徹水底。紅沁龍女玻璃窗。垂楊壓岸煙痕重。月墮中央寒不動。離魂一縷裊如絲。千回縈繞鴛鴦夢。相思木斲寡女船。夜深孤泊前灘前。秋燈黯澹坐微嘆。蘆花頭白風颯然。

南遊不遇過交甫遺佩處戲題

想像精靈隔淼漫。暮雲深處佩珊珊。明珠價貴知難贈。但乞神仙一面看。

半夜

半夜倉皇接報書。開緘拍案一驚呼。諸公至此吾何望。天道如斯古所無。欹枕沈吟連夢寐。挑燈絮問怪妻孥。披衣啟戶看乾象。黯黯寒星數點孤。

聞孫閣部罷歸

岌岌甯前戍。朝朝起戰雲。如何大丞相。翻作故將軍。國尙多清議。權仍屬聖君。廟堂甯左計。或恐是傳聞。清明日野外閒步

處處青帘似見招。杖藜試踏綠裙腰。衰翁難結尋春伴。蝴蝶相隨過小橋。

偕董天士蔡家河遊眺

不知新綠滿平蕪。野老提壺偶見呼。遊興久闌聊一出。戰塵不到使堪娛。從來挾策無高士。邇日談兵厭腐儒。猶怪先生春筮上。數行小楷寫陰符。

崇禎癸酉下第還里後作四首

十年求仕進。髮白志不成。青雲諒無分。決意謀歸耕。良友喜我閒。攜酒就我傾。謂我世慮澹。可與談無生。醜女不得嫁。安可誇堅貞。敢以坎壤士。冒此高隱名。覽鏡照我顏。寒陋難爲狀。一一視妻孥。亦非簪佩相。桐柳不中梁。人生宜自量。況有黍稌田。不乏雞豚餉。物無兩大理。富貴甯兼望。已矣吾何營。頽焉適天放。儒生困寒餓。侘傺恆嗟吁。國家鐘鼎養。豈以供爾娛。艱難求俊彥。將使憂患紓。假爾十萬師。手握銅虎符。風塵滿河洛。自信能平無。不如安爾分。從我持犂鋤。伊昔游京華。怪我山林態。今日返田園。怪我鄉音改。學步亦云勞。無益徒成悔。所幸匍匐歸。吾足故仍在。看婦事機杼。呼童課樵采。惟賴臬與夔。努力營四海。唱許總戎於內黃。問道歸里途中書所見二首

慘淡孤城閉。羣凶正合攻。日沈兵氣外。風起戰聲中。曠野無人覺。荒榛有路通。潛行吾尙怯。嗟爾虎狼叢。

處處殘骸柱。腥風拂面過。天心甯好殺。人事或干和。一騎飛搖鞚。中宵喚渡河。儻然哀痛詔。急遣滅催科。

所聞

出門復入門。憂心日草草。何時黃巾平。骨肉得相保。治亂相倚伏。此理信穹昊。河清會有期。恨我生太早。

送張林宗歸河南

去矣復何道。心知重會難。君看殘照裏。秋氣滿長安。

庚午下第二首

忽忽晨鐘動。巡檐微一吁。將明天慘澹。小憩夢模糊。驟起收殘帙。沈吟問老奴。今朝有車馬。得到涿州無。

下第經三度。胡爲又此行。本來非隱逸。未敢薄功名。良友憐同病。

同寓九人皆報罷

高僧不世情。是夕寺僧置酒爲話

燈前相勸勉。切切到天明。

聞欽定閣黨案出借鈔未得

此局終當有。甯期在此時。丹書何用見。名姓世原知。

錢尚寶家秋海棠

時尙寶已質甚

翦翦秋風一斷腸。美人無力忤新涼。十分春色臙脂暈。記得前身是海棠。

與高斗南夜話

是非轆轤總難知。青史從來尙異詞。莊叟久持齊物論。章惇任上黨人碑。廟堂公議甯恩怨。草野傳聞漫
信疑。千古興衰觀大局。且來把酒慶明時。

羽沖見示下第詩有豈其真有命搔首問蒼蒼句戲書答之

萬蟻酣戰槐南枝。吾曹不辨誰雄雌。蒼蒼下視皆蟻耳。得失安望天公知。劉郎乃欲叫闕闢。問所不解何
其癡。昨夜北河魚大上。村人提網紛紛馳。魴鱖多逢折柳貫。笊簍或亦空手持。撇波一擲隨所遇。其間甯
有神靈司。事無必得必不得。老夫所見皆如斯。先生儻不焚筆研。偶然而中當有時。已呼小豎市新醪。兼
令老婢烹銀鬢。速來與爾澆壘塊。酒酣且賦黃花詩。

盛陽先生見余和劉羽沖詩亦和以見規有狂奴猶故態曠達是牢騷句敬賦一篇奉答

曠達非所能。牢騷亦未敢。功名阻坎珂。兵火瀕危險。頽然盛年去。久矣壯心減。同龔老彌勒。終日門雙掩。
忽吟天問篇。戲語非譏貶。譬如蚯蚓蛙。吟噪偶陰窰。焉能執曲譜。細以宮商檢。勞公古誼深。規我客氣斂。
甯知無文字。何處著嗤點。公看水中月。流影忽冉冉。月落水無痕。空色兩不染。

十刹海訪無相上人適游方歸以所畫名勝巨冊索題分拈得廬山揚子江黃河東海黃山雲海嚴
瀨六幅

廬山遊不盡。況乃畫廬山。若問廬山意。廬山在此間。
一口吸西江。吐向剡谿紙。盆涌不可收。一筆一千里。

黃河天上來。一綫落平地。俗手書波濤。妙手畫其氣。
大海無端倪。師從何處寫。眇然空闊意。自寫觀海者。
靈氣自卷舒。歛忽千變化。在山作雲海。落紙成斯書。

案畫字在卦韻不在耦韻然義山無題詩已以畫與嫁下爲韻則唐人有此讀矣此蓋卽韓義山詩也

師畫嚴子灘。不著嚴子廟。神在山水間。士偶但其貌。

快哉行併序

劉羽沖折東邀余及董天上。胡奕光。李丹厓。陳質扶。云明日河房看一佳事。比就坐。祕不言。酒數行。則有博徒數輩。攜妓泛舟喧鬪而過者。羽沖呼起視。叩所以笑不言。各勒浮大白。乃述始末。慨然感之。爲賦快哉行一篇。知傷忠厚之旨。然鬱鬱久矣。一決莫遏。君子或諒其激於義爾。

一笑天地驚。此樂古未有。平生不解飲。滿引亦一斗。老革昔媚璫。正士皆碎首。甯知時勢移。人事反覆手。昔年金谷花。今日章臺柳。巧哉造物心。此罰勝枷杻。微酣談舊事。因果信非偶。淋漓揮醉墨。神鬼連吾肘。姓名諱不書。聊以存忠厚。時皇帝十載。太歲在丁丑。恢台仲夏月。其日二十九。同觀者六人。題者河間叟。

清明泛舟衛河以花似錦時高閣望草如茵處小車行分韻得花行二字

水繞紅欄賣酒家。當壚小女總如花。東風亦似招人飲。颺出青帘柳外斜。
沿堤宛轉棹歌聲。草色花光到眼明。忽照清波頭似雪。多慙蛺蝶趁船行。

聞無相上人遊華山已沒於兵

出世猶難免。彌傷住世心。乾坤無地隱。兵火入山深。一笑忘相約。三生恐莫尋。亂離師已厭。震旦肯重臨。

聞河南流寇將窺畿輔移家郡城

慘澹陰風萬木號。黑雲低壓古城壕。全家避亂禪心擾。滿市澆愁酒價高。燕雀處堂聊旦夕。龍蛇起陸更弓刀。

時滄州土寇亦蠢動

傳聞玉帳河魁將。正倩儒生講六韜。

姜辰三招飲戲題

雄心消盡禮金仙。枯坐蒲團四五年。結習不知全淨未。隨君試坐散花天。紅鐙綠酒近三更。飲到微酣故態生。賴是黃鸝相喚住。不然拍案又論兵。

登泰山

何地能銷鬱鬱情。且登岱嶽望蓬瀛。無人到處方孤立。有路通時更上行。四面愁陰千里合。一聲慟哭萬山驚。儒生未可譏封禪。終是能逢世太平。

落花效玉溪生體

狼藉東風遽已衰。迢迢虛作隔年期。鶯藏新綠仍高樹。蝶戀餘香尚故枝。痛惜漫勞將盡後。護持好及未殘時。美人顏色還如此。二八嬌嬈自不知。

村外閒步偶訪孤樹上人蘭若

隔林彷彿寺門開。便訪幽栖老萬回。草色綠侵危砌上。棠花黃過斷牆來。

寺久頽廢僧多他徙。上人天性恬淡。屋數椽閉關晏如也。

閒雲無意時相值。野鳥忘機雨不猜。滿院春風同一笑。金經堆架任生苔。

醉歌

十里五里桃李花。東家蝴蝶飛西家。春風引我信步起。青鞋蹣跚徧溪邊。沙欣然一往忘遠近。黃公壇外垂楊遮。百錢偶爾未挂杖。村翁熟識猶容賒。自斟自酌自吟嘯。不知返照蒸紅霞。挑菜人歸影散亂。騎牛童唱聲嘔呀。小奴控塞遠相覓。興盡我亦隨昏鴉。閒花野草相掩映。短衫破帽時欹斜。癡兒未可瞋太醉。老子此樂真無涯。行過淺水見蝌蚪。愛爾不作官蝦蟆。

卽事二首

芳草沿堤一徑斜。小樓背水是誰家。鵝鳩聲裏霏霏雨。微溼春煙壓杏花。風影搖搖酒幔青。畫船多泊水邊亭。醉來貪看鴛鴦浴。倚破紅窗半字櫺。

宿劉氏別業二首

雨溼煙痕重。花藏暝色深。放船忘遠近。泊櫂偶園林。桑下曾三宿。桃源試再尋。主人殊不惡。水閣尚鳴琴。燈火明籬落。開門手共攜。呼童催晚酌。索硯寫新題。芳景連寒食。濃春滿犬堤。翻邀乘興返。明日聽黃鸝。

紅塵

紅塵十丈走香車。仍向玄都道士家。誰料劉郎重到後。菜花開過又桃花。

登內黃城樓

發人亦覺人愚。此際憂來不可祛。風日蒼黃羣盜滿。山河破碎一城孤。通儒謀國多書卷。上相籌兵祇地綱。注：在後天險足恃。增兵何用之文。宗廟神靈應閔念。昭陵石馬幾時趨。

哭革天士四首

事事知心自古難。平生二老對相看。飛來遺札驚投箸。哭到荒村欲蓋棺。殘藁未收新書冊。天士以畫自給。餘贊

惟齒破儒冠。布衾兩幅無妨殮。在日黔婁不畏寒。五岳填胸氣不平。談鋒一觸使縱橫。不逢黃祖真天幸。曾怪嵇康太世情。開牖有時邀月入。杖藜到處避人行。料應塵海無堪語。且試騷鸞問紫清。

百結懸鵝兩鬢霜。白餐冰雪潤空腸。一生惟得秋冬氣。到死不知羅綺香。天士不娶。寒賁村膠。纔破戒。老栖僧

舍是還鄉。只今一瞑無餘事。肯要青蠅作弔忙。十年相約謝風塵。天地無情殞此人。亂世逃禪聊解脫。衰年哭友倍酸辛。關河洩漭連兵氣。齒髮蒼浪寄病身。泉下有靈應念我。白楊孤冢亦傷神。

蝶

園林隨意弄芳菲。亂颺仙人五色衣。幾日團團花上繭。一時使趁好風飛。尋芳處處不曾停。瞥過紅牆入紫庭。未可輕將羅扇撲。隄防觸響護花鈴。

蜂

向暖尋新蕊。乘春過洞房。蝶羣容爾入。蠶尾竟誰防。媚態纖腰軟。嬌吟細韻長。味甘能悅口。況有蜜脾香。

戲題二絕句併序

崇禎戊寅孟村土寇忽夜至。盡室踉蹌以逃。比歸囊篋盡空。併掠一古琴去。嗟乎。賊亦具賞鑒哉。因戲書二絕以排悶。

廿載懸塵壁。何人問此琴。可憐兵火裏。此輩乃知音。枯桐閱歲多。神物含靈爽。正直七條弦。汝彈恐不響。

蔣其祥訂遊西山同人促歸不及待悵然留別

我家古瀛海。平地無寸山。北行到京國。始見翠拂天。往來咫尺地。不及窮躋攀。友朋日相笑。俗病何由痊。豈知阻登陟。不盡因癡頑。清暉娛耳目。奇福天所慳。蒼松白石下。茲事皆前緣。蠟屐約西邁。脂韋仍南還。側想九節杖。直上萬仞巔。俯視見百里。一氣如浮煙。豆人而寸馬。蠕蠕相後先。慨焉念故人。逐隊行其間。斜陽渡聖水。疲馬不可鞭。

旌吾弟自真定夜歸

隔牆一喚驚還喜。半夜汝從何處來。攜手都忘閉門戶。禦寒先遣洗樽罍。音書雖近無人往。道路多虞幾度猜。此日生歸是天幸。旅顏消瘦未須哀。

送景星赴鄉試

不能隨我隱。爾亦自有見。舉世盡鴻冥。何日息龍戰。挾策干諸侯。遊士吾所賤。讀書二十年。當爲明廷獻。世事雖靡常。公道此未變。果爲珊瑚枝。鐵網終能罾。豎儒守一經。詎足拯離亂。儻可梯青雲。或冀理一縣。撫字緩催科。且恤百里患。杯水沃車薪。終勝助以扇。黃花取次開。老眼摩挲看。此願果否償。送爾淚如霰。

送奕光歸里

白露已零天地秋。布衣老大提劍綏。燕辭故壘逝將去。蝶抱殘花何所求。平生不識韓吏部。他時誤覓劉

荊州。渭川修竹綠無恙。歸歟勿失千戶侯。

自相國莊至夫人莊戲爲一絕相國莊馮道故居夫人莊道婦家也

青史空留字數行。書生終是讓侯王。劉光伯墓無尋處。劉炫與馮道皆景城人相國夫人各有莊。

五節橋即單家橋也正德間文安土寇掠敵縣有五女抗節同死於此橋

五節橋邊水寒聲。日夜悲當年。誰勦寇。貽禍到蛾眉。

陪諸友夜飲作

山鳥何曾語管絃。邀留無那主人賢。黃蜂紫蝶如相識。綠酒紅燈亦可憐。稍避喧闐殊刺促。似防冷落轉周旋。纔知杜老真瀟灑。解共燕姬晚放船。

咏史三首

珍重焦延壽。諸孫尙有碑。云何多畏忌。不著撰人誰。

老氏貴和光。斯謀良亦得。平生陳仲弓。賢者固難測。
爰歷續六章。小學亦殊絕。至今祀孔庭。不在經師列。

拜月詞

芙蓉怯冷啼清露。銀河絡角明蟾渡。斂裙偷拜悄致詞。姮娥應見郎遊處。夜深微轉北斗杓。輪斜漸隔西
鄰樹。東方欲曙白濛濛。玉鏡掩然墮煙霧。

舊遊

衛河依舊水悠悠。人事興衰一轉頭。故邸殘花前度夢。高墳宿草幾回秋。五君久避山王貴。二水遙憐汴
泗流。鐵佛祠旁三太息。老僧猶自話徐州。

觀奕

重瞳項羽劇酣戰。一目湘東方突圍。莫怪無言倚松坐。先生老矣不知幾。

三婦豔

大婦鳴夜杼。中婦營晨炊。小婦日高起。傅粉調胭脂。婉孌丈人前。借問憐者誰。

君馬黃

君馬黃。臣馬驪。兩馬當道相並馳。君馬絕塵奔。臣馬長鳴悲。馬不能言。臣知之。吁嗟乎。臣馬饑。
臨高臺。

臨高臺。見四郊凸者壘。凹者壕。白者骨。青者蒿。竄者燕雀搏者鷄。倉黃迸散方嗷嗷。惜哉遠不聞其號。

朱鷺

大旆揚。鼓聲起。朱鷺翩翩翔不止。矢石交。鼓聲死。朱鷺曲蜷縮其尾。咄咄朱鷺。吾何責爾爾之伎。止於此。

戰城南

城南之戰。風沙漫漫。智者。在後。愚者。前後。無恙。前者。顛。老。聃。有明戒。無爲天下先。君子守其雌。保己終百年。

牧牛詞併序

村外縱眺。見牧豎晚歸。有抱牛背而眠者。人不墮。牛亦不逸。甚矣其相習也。天下相習如是。亦何施不可哉。此可深長思矣。

清晨隨牛出。日暮隨牛歸。牛自解往返。不勞人指揮。人行牛亦行。人止牛亦止。夫孰使之然。了不知所以。乃知久而化。不在鞭與箠。君看高柳外。暮色蒼然裏。人自抱牛眠。牛自渡溪水。

春日閒步

白頭不稱作春遊。剛被黃鸝喚不休。宿麥青時正暄暖。好花紅處一夷猶。能歌那得馮惟一。馮吉字惟一。道之是子善琵琶。解歌舞。有滑稽之風。村西三里相國莊。即其故里也。有酒且酬劉武周。村北古阜。邑志以爲劉武周墓。武周山後馬。相識芳郊記我躍驂驢。多愧田翁舊